



**Partiit  
-/ MAANI**

Nuuk ulloq 24. juni 2013  
J.nr. 20.21.04/06-00006

### **Tusarniaaneq: Inatsisartuni illup suliffiusup pitsanngorsaaviginissaa pillugu**

Asasakka partiit,

Inatsisartut illorsuaqarnikkut atugaannik pitsanngorsaaniissap kissaatiginarnera Siulittaasoqarfiup ataatsimiinnerni arlalinni eqqartortarsimavaa.

Tamannalu tunngavigalugu Inatsisartut illorsuaqarnikkut atugaannik pitsanngorsaaniissaq qulakkeerniarlugu periarfissat pillugit Allattoqarfik oqallisissiamik ilanngussatut nassiunneqartumik suliaqarsimavoq.

Oqallisissiaq Siulittaasoqarfimmit oqallisigineqarsimavoq. Illorsuarmik nutaamik Inatsisartunit atorineqartussamik sanaartortitsisoqarsinnaaneramik periarfissat ilaattut oqallisissiami tikkuarneqartoq orniginarnerusutut naapertuunnerusutullu Siulittaasoqarfimmit nalilerneqarpoq, ilaatigut peqqissutsikkut, sulinikkut, aningaasaqarnikkut aamma sulisoqarnikkut pissutsit tunngavigalugit. Aamma illorsuarmik piorsarsimassutsikkut immikkuullarissutsitsinnik ersersitsinissamut piukkunnaatilimmik sanaartortitsinissaq Siulittaasoqarfiup oqaluuserinninnermini kissaatiginartissimavaa. Tassunga atatillugu illorsuup maannakkut Inatsisartuusunit atugassatut pinnani; kisiannili siunissaq eqqarsaatigalugu sanaartortinneqarnissaa takorloorneqarpoq. Illorsuaq takuminartoq atortussamik nunami namminermit pilersitanik sananeqaatilik nunaqavissunillu sananeqartoq inuiaqatigiit akornanni tanngasimaarnermik nassataqassaaq.

Illorsuarmik nutaamik sanaartortitsineq oqallisissiami 95 mio. kr-inik akeqartussatut missiliorneqarpoq. Aningaasaleeriaaseq BOT immikkoortoq 7-imik sanaartortitsinermi atorineqartoq assigalugu nutaamik sanaartugassamut aningaasalersuinissaq Siulittaasoqarfiup tassunga atatillugu pitsaasuusussatut nalilerpaa.

Tamatuma saniatigut sanaartugassap ilusissaa eqqarsaatigalugu annerusumik teknikkimut tunngasortai Siulittaasoqarfiup assigiinngitsunik isumaliuteqarfigisimavai.

Suliap ingerlateqqinnissaa tunngavissiorneqarlugit oqallisissiamut tassanilu Inatsisartunit atugassamik nutaamik illorsualiortitsinissamut periarfissatut



INATSISARTUT  
SIULITTAASUAT

tikkuarneqartumut partiit eqeersimaartumik peqataallutik isummernissaat Siulittaasoqarfimmit kissaatigineqarpoq.

Tamannalu siunertaralugu allakkiaq una nassiunneqarpoq.

Tamanna tunngavigalugu allakkiamut uunga oqallisissiamullu ilanngussatut nassiunneqartumut partiit isummernissaat qinnutigissavara. Tassungalu atatillugu ingammik oqallisissiap immikkoortuisa arfernata aallarniutaani apeqqutinut sisamanut, ukuusunut, partiit isummernissaat kissaatigissavara:

- a) *Nunami maani naalakkersuineramik suliaqartunut atorfilinnullu suliffiunissaq nutaaliaasoq tulluarsagaasoq uummaarissorlu Inatsisartunit kissaatigineqarpa.*
- b) *Inatsisartut innuttaasut akornanni qanoq atuuffeqarnerisa, ataqqinassuseqarnerisa pisussaaffeqarnerisalu Inatsisartut illorsuannik ersersinnissaa, Inatsisartunit kissaatigineqarpa,*
- c) *Sanaartornermi atortussat nunami namminermi pilersitat illorsuarmut atorpeqarnissaat kissaatigineqarpa, sumiiffimmi suliaqartitsinermut taperseerusuttoqarpa ilanngullugulu avatangiisinut silallu pissusaanut akisussaassuseqarluni ingerlatsinermut illorsuup tapersiisuunissaa Inatsisartunit kissaatigineqarpa,*
- d) *aningaasartuutit tamatumani pisariaqartinneqartut Inatsisartunit atorumaneqarpat?*

Naggasiutigalugu erseqqissaatigineqassaaq oqallisissiaq ilanngussatut nassiunneqartoq tunngavissiaannaamat utaqqiisaarutaannaallunilu. Sanaartornissap aallarnisarneqarnissaanut pilersaarusiap inaarutaasumik Inatsisartunit aalajangiunneqannginnerani aalajangernissamut tunngavissiamik annertunerusumik soorunami suliaqartoqartariaqassaaq.

Kingusinnerpaamik ataasinngorneq 29. juli 2013 nal. 12.00 saaffiginnissummut uunga akissuteqaammik tigusinissara Inussiarnersumik qinnutigissavara. Partiit akissuteqaataasa allakkatigut mailikkulluunniit [inatsisartut@inatsisartut.gl](mailto:inatsisartut@inatsisartut.gl) -imut nassiunneqarnissaa qinnutigineqassaaq.

Ikinngutitut inuulluaquassi

Lars-Emil Johansen